



En memoria da Leopold Plank- Zürcher, Sedrun

Il 23 da schaner 2005 ei il cuors dalla veta digl anteriur directur dalla ovra electrica Tujetsch ius nunspitgadamein a fin cheu sin tiara. Suenter ina cuorta mo nauscha malsogna ha el saviu sedurmentar en a casa.

Leopold Plank ei naschius ils 08 da november 1935 a Ostervitz ell'Austria. Leu frequenta el las scolas primaras e secundaras. Ell 'Austria fa el era siu emprendisadi sco montader d'electro. 1958 sedecida il Leopold da serender en Svizra per luvrar e sescolar vinavon. Tier la firma Fritz Zürcher a Riggisberg/BE anfla el sia emprema lavur en Svizzeria. Leu empren el era d'enconuscher sia dunna Theresa .

1970 vegn Leopold Plank engaschus dalla installaziun electrica Tujetsch sco meinafatschenta. Cun grond engaschi eis el s'engaschus per nossa fatschenta e quei durent 30 onns. Gia cuort suenter siu engaschi tier l'OET ha el renovau e modernisau la Ovra Val Strem. Ei suonda la ovra Val Giuf che vegn realisada ils onns 1978/79. Siu grond giavisch da saver trer a nez las auas dalla Val Milar ha il pievel denton buca acceptau. La lavur ei denton ida vinavon ed igl onn 1992 han las empremas contractivas cun Alptransit entschiet. Cupleinamein eis el s'engaschus per quei project. Sia gronda savida e ses buns cussegls han lu era menau tier in fetg bien resultat dallas contractivas dallas qualas nus vegnin aunc a saver profitar biars onns. Per siu grond engaschi surdat la cummissiun ad el igl onn 1993 il tetel da directur. Tenor sia planisaziun e sut sia direzziun ha era la centrara secundara saviu vegnir realisada.

Sper tut ses projects ha Leopold denton mai emblidau ses conluvrers e s'engaschus per els cupleinamein. Gronda peisa deva el sin ina buna scolaziun da tuts luvrers. Aschia han era ca. 30 giuvens saviu far tier l'OET in bien emprendissadi.

Nus lein mantener Leopold en buna memoria. Dieus detti ad el la beinmeritada pagaglia.
El ruasi en pasch.

Richard Schmid, president